

THEATRUM VERITATIS, ET IVSTITIAE

SIVE
DECISIVI DISCVRSVS

Ad veritatem editi in forensibus controuersijs Canonicis & Ciuilibus,
in quibus in Vrbe Aduocatus, pro vna partium scripsit,
vel consultus respondit

IO. BAPTISTA DE LVCA
VENVSINVS.

Per materias seu titulos distincti iuxta seriem de qua proxime.

LIBER QVINTVS

DE VSVRIS, ET INTERESSE;

Par. II. de Cambijs, Par. III. de Censibus, Par. IV.
de Societatibus Officiorum.



A. Clouet fecit


R O M A E,

Typis Heredum Corbelletti; M. DC. LXIX.

SVPERIORVM PERMISSV.



REV. CAMERAE
APOSTOLICAE
TRIBUNALI.



IOANNES BAPTISTA DE LVCA
FELICITATEM.



SVRAS necessarias exigere mutuatori
lex prohibet, mutuatorio verò pro acce-
pti beneficij merito, et ex illa obligatio-
ne, quam nos Iuristæ *Antidivalem* dici-
mus, voluntarias præstare nedùm per-
mittit, sed quodammodò præcipit; Cum
itaque in mea diuturna Aduocationis negotiatione, ipsis
meis laboribus editis ac edendis edocentibus, hoc AM-
PLISSIMUM TRIBVNAL ingens mihi fuerit mutuator,
dum eorundem laborum magna pars præsertim de
FEVDIS et BVLLA BARONVM, de REGALIBVS,
ac de SERVITVTIBVS et VTROQVE RETRACTV, in ipso
TRIBUNALI, vel in eius filialibus Congregationibus,
BARONVM, MONTIVM, et COMPVTORVM tractata fuit:
Ex dictæ obligationis impulsu, nè sim reus legum, quas
alijs suadeo, hoc mei THEATRI volumen de VSVRIS,
CAMBIIS, CENSIBVS, et SOCIETATE OFFICIORVM
sub VESTRI nomine & tutela publicæ luci exhibeo, vt
ita mei debiti ac obsequij vsuras persoluam, beneficiorum
cambium præstem, ac me censitum agnoscam.

DE VSVRIS

ET

INTERESSE

DISCVRSVS PRIMVS

FIRMANA

PRO

PATINIS

CVM

BENETTIS:

Discorsus arbitramentalis pro veritate.

De contractu trino, seu de tribus contractibus, societatis, assecurationis fortis, & assecurationis lucri, An eodem tempore cum eadem persona celebrari possit; Et quid ubi dicti tres contractus non exprimuntur, sed datur simpliciter pecunia sub certo lucro, An subintelligantur pro eodem lucro substinendo.

SVMMARIVM.

- 1 **F**Acti series.
- 2 Ex pecunia non dantur accessiones.
- 3 De contractu trino, seu triplici contractu, societatis, & duplicis assecurationis fortis & fructuum, quod valeat.
- 4 Non est necessaria explicita conventio dictorum trium contractuum, sed sufficit implicita.
- 5 De conclusione de qua num. 3. quod non valeat.
- 6 In materia usuraria alijsque materijs fori externi, Canonistis potius quam Moralibus est deferendum.
- 7 Dicti contractus ex sensu Rota substinentur ex intervallo.
- 8 Decisiones Rota non attenduntur in eo quod dicunt incidenter.
- 9 Minusque allegari possunt pro decisionibus ubi pendet reuisto.
- 10 De conf. 520. Romani ut sic receptum.
- 11 Expenditur, cap. per vestras de donat. inter vir. & vxor.
- 12 Quando procedat opinio Moralium, de qua num. 3.
- 13 De differentia inter forum internum, & externum in materia usuraria.
- 14 De differentia inter casum in quo dicti tres contractus explicitè deducantur, & quando tacitè.
- 15 Maior urget suspicio ubi dicti contractus fiunt super pecunia, quam si super animalibus, & alijs rebus.
- 16 Etiam in casu quo dicta conventio trium contractuum sit licita requiritur congrua recompensa assecurationis.
- 17 An obseruantia, & consuetudini sit deferendum in hac materia.
- 18 Quando dispositio tex. in cap. per vestras locum habeat, Et an fauor alimentorum in hoc operetur.
- 19 De contractu per quem dat quis alteri pecuniam ad eam traficandum, & girandum super cambijs.
- 20 Quando substineantur tres contractus predicti etiam in sensu Canonistarum.